

مسئله اقتصادي

محل مطبعه راداره :

جفال اوغلنده امنيت
صندوقی جوارنده
شکول يقوشنده
۲۲ نومرو

افطار :
مسلكمزه موافق آثار
جديه مع المنونيه
قبول اولنور
درج ايدلهين آثار اعاده اولنور

ديسه ، فلسفه ، علوم ، حقوق ، ادبيات تاريخ ، سياسيانه ربالخاصه احوال وشؤون اسلاميه در بحث ايرودلفقهده بر نشر اولنور .

آبونه بدلی

صاحب ومؤسسلری :

سنه لکی	التي آيلی	ابوالعلا زين العابدين - ح . اشرف اديب	در سعادته نسخہ سی ۵۰ تارہ در
ممالك عثمانیه ایچون	۶۵	تاریخ تأسیسی	قبرله دن مقوا بورو ایله کوندریلیرسه سنوی
روسیه	۶۵	۱۰ تموز ۳۲۴	۲۰ غروش فضله آلیر
سائر ممالك اجنبیه	۱۷		
	۹		

بشنجی جلد

۱۴ ذی الحجه پنجشنبه ۳۲۵ کانون اول ۳۲۶

عدد : ۱۱۹

خطبة عرفات

انعام اسلام

الحمد لله الذي امرنا بالاعتصام الى الجبل المتين ومن علينا بارسال السيد الامين واشهد ان لا اله الا الله الذي جعل الاخوة من خواص الاسلام واشهد ان سيدنا محمدا عبده ورسوله الذي هو سيد الانام صلى الله عليه وعلى آله واصحابه البررة الكرام . . .

ای اخوان دین ! ای اسلام کونشک ایلک طوغدینی شو مقام مقدسی زیارت ایچون دنیانک هر طرفندن طویلانان جماعت مسلمین ! بیلکیزکه یزوزنده موجود ملیو نلرجه اهل اسلام یکیدیکرینه باغلیان رابطه ، قلبلرینی برلشدیرن ، نظرلرینی بر نقطه یه جذب ایدن قوت ، هیچ شبهه سز « اخوت اسلامیه » در ؛ او اخوت که قرآن کریم آئی تأیید ایله آمردر . بناء علیه بویله مبارک بر کونده ، بویله مقدس بر مقامده بو امر جلیل حقنده نه سویلنسه آزدرد . قارداشلغمز کسب صمیمیت ایتدکجه حیاتمز قوت بولور ؛ رابطه اخوتمز کوشده دیکجه اضمه حلالمز باش کویسترر . شوخالده بوکون انک زیاده چالیشه جغمزشی مسلمانلر آره سنده کی قارداشلغی تأیید وتقویه در . زیرا انحق اوسایه ده فلاح بوله بیله جکیز . اونک ایچون کال اهمیتله نظر دقتکزی جلب ایدرم . (فاستمعوا له وانصتوا لکم ترحمون) کوش جان ایله دیکله ینلر مأمولدرکه مظهر فلاح اولورلر . . .

بیله لمکه : بر مقتضای حکمت ربانی عوالمده ظهور ایدن انقلابات ، امتلرک احوالنده وقوعه کلن تبدلات ، شو صحرای عجایب جه باندده

لا ینقطع یکدیکرینی تعقیب ایدن بو قدر متسلسل ، غریب وقایع . . . حقیقه حیرت بخشای عقولدر .

بالخاصه بزم شوصوک و قتلرده برقاج سنه ظرفنده باشمزدن کچن وقوعات واحوال . . . که فکر وملاحظه ایده جک اولورسه قان آغلاماق ممکن دکل ! . . . نصل کردا بلره طوغری یوارلنمقده اولدیغمزدن خبرمز یوقدی ، اوزون و قراکلق برکیجه ده یولی شاشیرمش آوارهلر کی کیتدی کمزیری بیلیموردق .

فقط الحمد لله بو عقباتی آتلادق ؛ بوالملی ، بو قورقوج زمانلر ، بو حیات وممات دقیقه لری کجدی ، شمدی بز آنلری غفلتله مالی سوابق احوال مزک نتایجندن ، ترقیات آتیهمزک مقدماتدن صایه لمده ، بتون اوکچمش خطالری اونودهرق ، بتون اوبیوک قصورلردن ، کناهلردن توبه ایده رک ، کافه معاملات وتدابیر امور مزده قانون حکمت الهیه اوزره قورولمش شریعت غرای احمدی وعروء وثقای محمدی یه تمسک ایده لم ، صاریله لم .

قطعیاً بیلملی یزکه ترقی ایده بیلیمک ، اوج شان وشو کشته یوکسله بیلمک ، دشمنلرک شرندن ، تجاوزندن قورتیه بیلیمک ، بینمزدده محکم براخوتک صمیمی بر محبتک وجودینه وابسته در . اکر بویله مادی ومعنوی بر رابطه قویه بولنمزه نه قدر عاقل ومدبر بر انسان ، نه قدر مبیجل بر قوم اولورسه اولسون یالکیز قانتجه ، تفرقه یه دوشه نیجه ، دکل بر دولتک امورینی اداره ایتک ، بلکه اوفاجق بر خانه نک بیله دولابی چویرمکدن عاجز قاله جغی کون کی آشکاردر .

آوروپا حکما سندن ومشاهیر سیاسیونندن بری ، بزم فریضه حبی ایفا ایچون بتون اقطار ارضدن کلوب مکّه میکر مه ده اجتماعری محاکمه ،

موازنه ایده رک دیمشدرکه : «اگر اهل اسلام اداء حج مقصدیله وقوعبولمده اولان اجتماعلرندن بحق استفاده ایدهیدیلر ، دنیاسده اسلام ملتندن بشقه برحکومت تصور اولنه مزدی .»

هرنه قدر آرامزده شواجماعك اسرار ومنافعتندن غافل وجاهل بعض کوته بین : «بوقدر زحمت ومشقتله قائلانهرق حج ایتمده نه فائده واردر ؟» کبی سوزلر ایله تفوه ایتمده ایهلرده ، بوغافلانه ، بوجاهلانه سوزلر اقوال حکما وافکار عقلا ایله موازنه اولنور ایهل ذره قدر اعتبار وقیحتی اولمدینی تظاهر ایدر .

ای استطاعت مال وبدنه مالک ، فکر وبصیرت ایله راه حقه سالک محترم قرداشلر ! ای فداکاران اسلام ، ای حق یولنده جانلرینی ، ماللرینی فدا ایدن ، بوقدر زحمت ومشقتلری اختیار ایدن ، طاغاری ، دریالری کچرک شومقام مقدسی زیارت ایچون بتون اقطار ارضدن قوشوب کلن حجاج ذوی الابهاج ! ای اخوان دین مبین ! سزلرکه هربرکز جماعت موحدین وملل مختلفه مسلمین طرفندن بر رمبعوث مرخص مزیتله سرفراز ، حمیت ملیه وصداقت دینه ایله ممتازدر ، بوکون شواجماعك سرو حکمته تقدیرایدهرک رابطه اخوت واتحادی دقیقه فوت ایتمدن وجوده کتیرمیه بذل همت ومقدورت ایتمک هربرکز ایچون فرضدر .

ثانیاً : اداره مشروطه شرعیه مؤسسی ، خلیفه رسول رب العالمین ، امیر المؤمنین ، خادم الحرمین الشریفین ذات شوکتسمات اقتدمزه کندکز طرفندن اصالة ، قوم وقیله کز طرفندن وكالة اطاعت وصداقت دینه ده بولنمق واجبدر .

ثالثاً : هرکس کندی اقتداری درجه سنده بر مقتضای حمیت اسلامیه وغیرت ملیه اظهار مروت ایله بذل جود ایده رک تعالی اسلام اوغورنده معاونات نقیده ده بولنمق لازمدر .

رابعاً : بو وظیفه مقدسه نك اهمیت دینه ودنیویه سنی نظر اعتباره آلهرق ، عموم اهل اسلامك حیات مادیه ومعنویه سنه خدمت املیه حالمزی ، استقبالمزی دوشونهرک ، بصیرت کوزلرمزی آچهرق ، فکرلرمزی تداوله ، قصورلرمزی یکدیگرمزه اخطاره چالشمق ان مهم وظیفه مزدر .

هرنه قدر کزک بوراده بولنمق شرفنه مظهر اولانلردن ، وکرک دین قرداشلرمزدن اخوت واتحاد اسلام فکرینه مخالف بر فردک وجودی بیله تصور اولنه مز ایهده ، بو محترم ملت نجیبیهی هیچ بر زمان اتحاددن محروم ایتمک ، بو حسن مقدسك کوشه مه سنه میدان ویرمه مک ایچون کیجه کوندوز چالشمق ، کار آشنا امرامک ، حمیتلی اعیان واشرافلرک وظیفه مقدسه لری در ؛ دائماً آنلره وعظ ونصیت ایده رک یول کوسترمک ، اخوتك منافع وفوائدنی آکلاتمق ، علمای فخام وخطبای کرام حضراتك وجیهه دینه لری در ؛ امتك احتیاجاتی تأمین ایچون ایجاب ایدن معاونات تقدیده دن کری طور مامق ، دینی تقدیس ایدن ، ملیتی محترم طوتان هر فردک سوه سوه ایفا ایده چکی بر بورجدر .

دلایل عقلیه ونقلیه ایله مبرهنه درکه بزم جامعار ، مسجدلر

وتکیه لرمز ، جمعلر وجاعتلرمز ، افراد اهل اسلامك اجتماعلری ، علمای فخامك مذاکره مخصوصه لری وپیشوایان امتك عقد انجمن ایتمه لری ایچون وسائل کافیهدندر .

بتون لسانلردن صادر اولان (لیک اللهم لیک) لفظ مبارکندن دخی معلومدرکه ، بزم کزک بومقام مقدسه وکرک سائرزمان ومحلده غایه آملر ، هدف قلبمز بردر ، بزم هر سنه بورایه طویلانه مزدن مقصد ، (تعالوا الی کلمه سواء) اوامر سبحانیه سنی رینه کتیرمک ، تعالی اسلام کبی بر ثمره جلیله وفائده معجله وجوده کتیرمک ، ملل مختلفه اسلامییه آرهنده کی هر درلو اختلافات ومناعاتی ، تفرقه لری برطرف ایده رک یر یوزنده موجود بوتون اهل اسلامی یکوجود بر حاله کتیرمکدر .

یالکز حج شریف دکل ، بلکه کافه اوامر الهیه بزلری اتفاقه ، تفرقه دن اجتنابه ، عهد ومیثاقزی تشیدده دلالت ایتمکده در . دنیوی ، اخروی اسباب نجاتمزی تأمین ، هر درلو فواحش ومنکراتدن منع ایدن نمازی وسائر ارکان اسلامییه ملاحظه ایده جک اولورسه ق ، هر برنده نیجه نیجه مزایای علمیه منجلی اولدیغی ، هر برینک کزک حالمز ، کزک استقبالمز ایچون نصل برر حصن حصین امانت ، نصل برر قلعه متین سلامت اولدقلری شمس تابان کبی تظاهر ایدر .

معارفی نشر ایتمک ، عرفان امتی یوکسلیتمک ، بصر وبصیرتی نور لاندرمق کبی مساعی عالیه قلبنده ایمان یرلشن بتون اهل توحید ایچون فرض دکلی در ؟ . . .

هیچ شبهه بوقدرکه بزم اساسات اسلامییه وعبادات دینه مز پک چوق حکم خفیة الهیهی شامل وسعادت مادیه ومعنویه مزی کافلدر . فقط صد هزار افسوس که اوزون بر مدت امور مهم سیاسییه مز ، بر طاقم قاصر الفهم نا اهل لک ، خائن دین ظالم لک ید تغلبنه کچرک سوء استعمال ایدیلمش ، او مستبدلرک ارزوی شهوانیه لری ، حرص بهیمانیه لری ، طمع دنیوی لری ، حاصلی منفعت شخصییه لری . . . منافع عمومیه اسلامییهی ایاقلر آلتنده چکنه تمشدر ؛ او درجه که اساسات مذکورنك مجاری اصلیه سی ضایع اولمش ، کیت کیده اولکی اتحاد واتفاقه بدل بین المسلمین شدتل خصوصتار ظهوره ککش ، درلو درلو بدعتلر چقمش ، قرآنک امرایتدیکی بتون احکام جلیله آرقیه آیلمش ، اخوت خصوصته ، اتحاد تفرقهیه مبدل اولمش ، بو صورتله مسلمانلر هر طرفده ذلته ، هر طرفده اسارتیه محکوم اولهرق عاقبت شو حال پریشانییه دوجار اولمش ! . . شیمدی دنیاده کی نفوسک ربی درجه سنده اولان اوچیوز میلیون مسلمان بشاون میلیون کوچک براورویا دولتی قدر اهمیت قالمشدر .

آه ، نه قدر فرصت لری ضایع ایتدک ! نه قدر بیوک منفعت لری الدن قاجیردق اباکمز عصر اوائلده کی مسلمانلرک حالته : (اشداء علی الکفار رحاء بینهم) وصفنه لایق بر آوج شجعان اسلام زمانک ان شدید مصیبتلرینه ، دهرک ان تحمل کذار مشقتلرینه کوکس کره رک میدان مبارزه کیرمشلر ، دنیانک قمع اعظمی نور ایمان ایله تنویر ، لوای محمدی

ایله تابناک ایتیشلر ، بر چوق دیار شرک و ضلالی فیوض توحید ایله کلزار مدنیت حالته افراغ ایلمیشلر ، بوصورتله دنیاچه شرفه ، آخرتده سعاده مظهر اولمشلردر .

بزایسه او قهرمان اجدادک احفادلری اولدیفمز حالده بو کون ذلت و مسکنت ایچده حیات سوروکلر یورز . دنیانک هر طرفنده افراد ملتیز وار ، عددی او چوز میلیونی کچور ، فقط حیوان سوروستندن فرقت یوق . ذاق و شقاق ، جهالت و عطالتله ذلته دوشدک ، ضیف دیانت ، فقدان امانتله پریشان اولدق ؛ نور شوکتیز سوندی ، اسیر اولدق ؛ وطنیز خرابه زاره دوندی ، ذلیل اولدق ؛ حیثیتیز آیاقلر آلتنده چیکنه ندی ، مسکنتدن باشقه بر موجودیت کوسترمه ندک ... اندلس ، تونس ، فاس ، مصر ، حضر موت ، جاوه ، هند ، قزان ، قریم ، ترکستان و طاغستان کچی بر چوق مملکتلرده میلیونلرجه اهل اسلام اجنبیلرک پانال حقتاری اولمش ، ایکله یور . کوندن کونه مسلمانلر و مسلمانیلق انقراضه سوروکلنیور . تفرقه یوزندن محو اولوب کیتدیلر . نه جهالت و غفلت ! ... نه ذلت و مسکنت ! ...

بزی بونفاقه دوشورن کیمدر ؟ بزی بو حاله کتیرن نه در ؟ بتون سلامت یوللری قیاندیمی ؟ بزی بو کردابدن تخلص ایده جک هیچ بر یدرحیم یوقی ؟ طوپراقلرده می منقلب اولیورز ؟ نامیز صحیفه عالمندن می سینیور ؟ شوکتیز مزارلرده می کومولیور ؟ ...

مملکتلریز دنیانک ثانی کیمش ، نفوسمز انسانلرک حسنندن فضله ، نه فائده که شیرازه اخوتیز قومیش ، دیانتدن عدول ، شهره سلامتدن روگردان اولمشلر ! یکدیگر مزه ظهیر اوله جق یرده هر بر بر طرفه ، چکیمش ؛ ذات و عطالت ایچنده انقراض می بکله یورز !

ای شانی امت ! (المؤمنون کالجسد ، اذا اشتکی بهضه اشتکی کله) بیوران کیمدر ؟ بو احادیثک حکمی نه اولدی ؟ جسد واحد اولدیمیز حالده نه ایچون بر طرفیز خسته اولورده ؛ دیگر طرفلر من آندن بی خبر قالیر ؟ و اسفا ... بو غفلت ، بو جهالت نه در ، بو فقدان حس و غیرت نه وقتله قدر دوام ایده جک ؟ یوما فیوما تقرب ایتیمکه اولان آن اضمحال می نه ایچون دوشونه میورز ؟ معارف یوق ، تعاون یوق ، معاونت شویله دورسون ، بر بر مزک کوزینی چیقارمغه باقیورز !

بونه خالدر ؟ .. اتحاد ایچون الله بزه نه فرصتیز بخش ایتیش ، فقط استفاده ایدز کیم ؟ اتحاد ایچون المیزده حج کبی عظیم برواسطه وار . یازیقلر اولسون که بونک قیمتی تقدیر ایده میورز ، هیچ نعمتدن استفاده ایده میهرک عاجز و غافل کرداب فلاکتیه یوارلنمقدیز !

کلکیز قارداشلر ، دیده بصیرتمیزی آچم ، احوال بر تقصیراتمیزی بر کره کوزدن کچیرم ، کندی قصورمیزی کندمز اعلان و افشا ایده لم ، بو اختیاری کورلکدن واز کچم ، منافع ذاتیه و اغراض شخصیهرلی اورتادن قالدرم ! .. بو حب جاه ، حب ریاست بزم بوتون آمال حیاتمیزی محو ایتمشدر .

ا کر بزده کی شوغفلت بو حال ایله کیدرسه استقبالمز قارا کلقدر ، مملکتلر میز استیلا ، سلطنت و خلافت میز تخریب ایچون غریبدن

آفریق کله ده اولان سیلاب بلایه قارشو طورده جق بر شیشتمیز یوق . بزبونلره قارشو بر قلعه اتحاد تشکیل ایده مزسه ک عاقبتیز وخیمدر . معاذ الله عظیم رخنه لره ، مهلاک صدمه لره گرفتار اوله جنز ، اهل و عیالیز ، اولاد و اخلافتز اسارت بادیه لرنده پریشان ، حقارت کردابلرنده سر کردان اولاجقتلر .

اعداء دینیز بونکله اکتفا ایتیمیز ، آمال سیاسیة بد خواهانه لری نی او درجه لره ایصال ایتیمک ایستیرکله :

بو کون یوزلر میز ، کوزلر میز سورمکه اولدیفمز خاک پاک حرمین محترمین دخی تحت تسلطلرینه کچیردک ، (نعوذ بالله) کعبه معظمه و روضه مطهره و سایر مقامات مقدسه و مبارکه لرمیزی ده بیقسونلر ، ویران ایتسونلر ، حیوانلرینه آخور یاپسونلر .

بزلر شو نتایج دهشتنک و عواقب هولناک دخی کمال سکونتله اغماض عین ایده جک میز ؟ عجباً صحیح ایمان اولان بر مسلمان بو کبی مذلتلره قارشو ده فدای جان ایده میه جک می ؟ بو قدر حیت ملیه ، بو قدر غیرت دینه میز قلمادیمی ؟ (فداک ابی و امی یا رسول الله) کلام صلابت نشانی کیجه و کوندوز سویلدیکمز حالده ، بر کره اولسون فعلاً اثبات ایده میه جک میز ؟ بو دنائت ، بو مذلت ، بو مسکنتکده فوقنده بر حیاسلر ق تصور اولنه بیایورمی ؟

باقکیز ! بر آوج یهودیلر دنیاچه هیچ بر یرده قرارگاهلری اولمدینی حالده بیله (سیونیز) نامنده بر جمعیتلری وار . بزم الحمد لله مقرر سلطنت و مقام خلافتیز وار . قاعتبرا یا اولی الابصار ! ...

روسلرک « پان اسلامیزم » لری ، آلمانلرکده « پان ژرمانیزم » لری وار ، دهانجه نیجه پانیزملر ، اتحادلر وار .

بز عموم اهل اسلام ایچون اخوت دینه میز تا کید ایده جک بر (پان اسلامیزم) تشکیل ایدرسه ک فضله می اولور ؟ یوقسه بزلر بی آدمدن دگلی میز ؟

دین مبین اسلامک بشقه دینلره نسبتاً اخوته اوفق اولدیفنی اجنبیلر دخی اقرار و اعتراف ایتیمکه لردر . شو حالده کافه اهل اسلامک دیگر ملتیز یاننده بو قدر تدنییه اوغرامالری نه دندر ؟ بو انحطاطه سبب نه در ؟ آه ، قرداشلر ! باقکیز بتون آسیاده ساکن مسلمان قرداشلر می نه حالده در ذلت ایچنده اسارت آلتنده قالمیشلر ، انساندن عد ایدیلر یورلر بو کون عموم مسلمانلرایکی ، اوچ بیوک خرسیتان حکومتک تحت اسارتند ، مغدور و محکوم قالمیشلر . باقکیز غفلت بزی نه حالره کتوردی ؟ .. ای دین قرداشلری ! سقیم فکرلر بیوک مهالکی ، وخیم نتایجی موجب اولوب ده عاقبتیزده عذاب الیم و نار جحیم اولماسون ...

ای حجاج ذوی الابتهاج ای بتون اقطار عالمدن تدارکات عظیمه ایله هر سنه فوج فوج ، قافله قافله کلکده . (یا تون من کل فج عمیق لیشهد و امنافع لهم) سرینه مظهر اولمقدده اولان محترم حاجی قرداشلر میز ! بزم منفعتیزدن ، جناب حقک ایما بیوردینی منافعتدن مراد ، تجدید عقد اخوت و تأیید عهد اتحاددر . شو حالده بزلر نه ایچون آغزلر مزه مهر سکوت اورولمشجه سنه بوراده اتحاد و اخوت اسلامه

دائر بر کله اولسون سویله میورز. نه غفلت و مسکنت، نه ذلت و سفالت!.. بونی تعریف ایده جک بر لسان بولماز، بونی ایضاح ایده جک بر قلم کورولمز.

محترم قرداشلر! بو خواب غلتمدن کوزلرمزی آچهلر، بزم کبی انسان کاروانلرینه باقالم! عالم انسانیت یوما فیوما دکل، بلکه ساعت بساعت ترقی و تعالی ایده رک فرسخ فرسخ یول آلاماقده، بزلر ایسه حقوق ملیه و دینی مزه محافظه دن عاجز قالماقده یز. بزده انسان دکل یز؟ بزمده حق حقوق یوقی؟ سمای فکر مزه قابلابان بو سحائب غفلتی قوتلی پنجه لرمزه بیر ترقی یوکسلهلر. اخوت دینییه صاریله رق عهد و میثاق ایده لم؛ یکدل، یک زبان و یک وجود اوله رق عنوان مفخرت نشان مؤمنین اولان حق مشروعه مزه کسب استحقاق ایده لم... اکر بقامزری ایسترسه ک بیلملی یز که بونک ایچون یکانه چاره اتحاد اسلام امر معظمی در. سلامتیز ایچون بیک درلو تدبیرلره تشبث ایتسه کینه بونک کبی بر تدبیر مصیب بوله مایز. حیاتمیز بقاسی، دینمیز قیامی بوکا وابسته در. دین و ملت اوغورنده، وطن یولنده، ترقی و مدنیت پشنده فدا کارانه، جانسپارانه سعی و غیرت ایده لم.

ا کر بوضورتله سعی و غیرت ایدرسه ک استقبالمز امین در، پارلاقدر فقط معاذالله آره مزده ینه او نفاق و شقاقدر دوام ایدرسه آرتق بو رزمکاه حیاته یشامق بزم ایچون ممکن اولماز. دشمنلر بزی آزه جکلر، چکنه یه جکلر، محو ایده جکلر. ونهایت برکون شوعالم حیاته هیج بر نام و نشانمز قالمیه جق. بو کوزل مملکتلر، بودلر با وطن دشمنلرک الله کچه جک!.. بو عظمتلی جامعار کلیسالره، بومهابتلی مناره لر چاکلره تحول ایده جک، مقدس قرآنمز آیاقلر آلتنه چکنه نه جک، مبعجل دینمز یروزندن قالدیر یله جق، بویه دریای کفر و ضلاله غرق اوله رق اغلایه اغلایه، فریاد ایده ایده هر شیشه وداع ایده رک بو دنیادان چکیله جکنز.

بو کونلری کورمه مک ایچون هر درلو نفاق ترک ایده رک برلشمکدن، معارفی نشر ایده رک اخوت اسلام و اتحاد ملتیه بتون موجودیتیزله چالیشمقدن باشقه بر چاره یوقدر. بناء علیه حجاج کرام افندیلر مزه بیان اخلاص و احترام دن صوکره عرض و بیان ایده جکمز شودر که: بزم ایچون اهم مهماتدن اولان بر شی وار ایسه، اوده شو مقام خلافت کبرایه اولان رابطه معنویه و مادیه مزه تأکید و تأیید ایچون، بو مقام مقدسه حجازیه ده بر مدرسه اسلامیة عمومیه مز اولمه سیدر. بوراده تأسیس اولنه جق مدرسه یه، جهانک هر کوشه سندن اهل اسلام اولادی جلب اولنه رق، خالص اسلام روحیه تربیه و تعلیم اولنور، احوال زمانه واقف و هر اموره عارف مقتدر ذاتلر، درایتلی خطیبلر یتشیدیر یلور، بعدالتحصیل مملکتلرینه کیده رک دیانت اسلامییه بحق خدمت اولنورسه، مطلبه وصول ایچون بیوک بر یول آچلمش بولنور.

بزم بویه بر تشبثمز مقتضای دین مبینمزد. بونک مقتضای زمان دیه هیج کیمسه طرفندن هدف اعتراض اوله میه جفی شبهه سزد.

وقوعی متصور اولان مهالک و انقراضدن دخی بو صورتله تخلص کریبان ایده بیله جکمز تحقق ایدر.

تکرار دیه بیلورز که: بزم سعادت دارینمز خینی زماندر و ساوس شیطانیه سائقه سیله بینمزده واقع اولان شقاق و نفاق و تفرقه بلیه سنی کمال متانت و سرعتله لازمه ملت اسلامیة دن اولان اتقاف، اتحاد، اخوت و محبتیه تبدیل ایده لم. بو خصوصده جزئی تردد کوستره جک صاحب بلاهتک وجودی بیله تصور اولنه مز، ظن ایدرم.

ای محترم قرداشلر، شوسنه مبارکده، بومقدس مقام ایله شرفیاب اولوشکیزی بر مقدمه اقبال عدایده رک، شوراده ویر یله جک قرارمیزک تعمیم و انتشاری یولنده کمال خلوص و نشاط تام ایله چالیشهلر. کره ارضک هر جهتمده بولنان مؤمن قرداشلر مزه تبلیغ مرام خصوصنه المزدن کلدیکی قدر اهتمام ایده لم. بزلر اعتقاداً مؤمن موحد اولدیغمز کبی تحفظ و تدافع فکر عالیه سنده ده قولاً و فعلاً متحد اولهلر.

کرچه اتحاد اسلام اذهان اهل ایمانده من الازل موجود ایسه ده، اصل مقصود، اتحادک یالکیز ذهنده بولنه سی دکلر، بزی یکدیگر مزه تعاون، تناسرده بولنه رق، تعاطی افکار ایله قولاً و فعلاً تماس ایده رک دنیانک هر هانکی طرفنده اولورسه اولسون بر مؤمن قرده شمزک حقوقنه تجاوز اولونجه کافه مز بردن رفع آواز ایده لم، آنک حقنی مدافعه یه قوشهلر. بونی معاوتی تأمین ایچون دائمی مخبره و مکاتبه لر ایله مواصله قاپولرینی آچهلر. اول زمان بزم شوا اجتماعمز، شوقرارمز برایشه یارار. بو قرارلر مز حقیقت شکنه کیردکدن صوکره، وقت مرهوننده، عموم اهل اسلامک یکانه حامیسی خادم الحرمین الشریفین شوکتساب افندمزک خلافت مشروعه مشروطه سنی، ملوک فخام و دول عظام رجالنه دخی رسماً تصدیق ایتسیدیره رک، تابعیت معنویه مزیه مقام خلافت کبرایه ربط ایدرز.

ذات شوکتسمات افندمز محمدخان خامس حضرتلری امام المسلمین، امیر المؤمنین و خلیفه رسول رب العالمین اولدینی جهته؛ کافه اهل ایمان خواص و عوام بتون اهل اسلام دولت علیه عثمانیه یی مرکز خلافت عظمی اعتقاد ایده رک؛ امر عالیرینه انقیاد و اطاعت ایتمکی فرض عین بیسله لی در. دولت ایران، قاس و افغانستان، بخارا و سائر امارات اسلامیة... کافه سی مرکز خلافت عظمی ایله متفق و متحد اوله رق، منافع عمومیه اسلامیة یی اعداء، دین مینه قارشى جان سپارانه مدافعه و محافظه ایتهلری شرعاً و عقلاً لازمدر. اکر یالکیز ایران دولتی حکومت عثمانیه ایله متفق اولسه ایدیلر، روسیه هیج بر وقت بولنره نظر طمعنی توجه ایده مزدی.

بو صورتله اتحاد اسلامک حصول پذیر اولسی، یالکیز مؤمنلر ایچون، موحدلر ایچون دکل، بلکه عموم عالم انسانیت ایچون بر امر مهمدر، مسالمت عمومیه نک یکانه حامیسی اوله جفی محققدر. فقط اتحاد اتحاد تام اولمه لیدر. امت محمدیه نک هیئت عمومیه سی تام الاعضا بر جسمدر. خلیفه رسول رب العالمین باشی ایسه دیگر امارتلر ده مک مهم برر عضو در.

ایچندن انتخاب ایتدی ، امتی شرع منیره توفیقاً مراقبه عنانی سنک
الکرکه امانت ایتدی . بو واسطه ایله اونلرک حقوقی حمایه و قبلرینی
شکوک و ضلالتلردن وقایه ایدیه سین ! . بوتون بشرینی سکا تسایم
و (زیرا که سن وارث انبیا اولدک) اونلرک بار منافعی سنک دوش
اهتمامکه تودیع ایتدی که امت دنیا ده رفاه ، نائل ، اخرتده سعادت
(ابدیه) ایله شادمان اولسونلر دیه ! . .

سریر حاکمیتی سکا تعیین ایله دی ، سکا امتی اوزرینه رجحان
و نفوذ احسان ایتدی که مملکتی خلاص و مدافعه ایدیه سین ،
اونلری اولجه کیتمش اولدقلری یولاره دلالت ایله سین ! . تحقیقاً
اک عایدسندن اک عایدسینه قدر ، یرلی ویا خیمه نشین ، اصیل ویا
غیر اصیل را کع دیزلری ، ساجد بدنلریله ، سنک بو حاکمیت
روحانیه عالییه ک آنته کیرمشلر ، اوزرلرینه دوشن هر حادثه ناکه ظهور
قارشیسندن روحلری سکا متوجه ، کندیلرینه چوکن هر
فلا کتده کوزلری سکا مرکوز برحاله ، رفاه و سعادتاری سندن ،
نجات و سلامتاری سنده ، امن و امیدلرینک حصولی ینه سنده
اولدیغنه معتقددرلر . »

بوندن صوکره محرر ، عجمارک بونجه زماندن بری چکدکلری
ظلملردن ، (بیت الدین) دیدکلری مملکتلرینک کفره واجانب طرفندن
بیع و استیلا ایدیلدیکندن ، ولکن بونلرک صرف بر رئیسک فقدانندن
دولایی کندیلرینک غافل ، متفرق و ضعیف بولونملرندن ایلری کلدیکندن ،
و اسلامک سعادتیه تعلق ایدن ایشارده رئیس ورهبرلری نظریله
باوقلری و باقغه حقلی بولوندقلری (مجتهد) دن هیچ بر اشارت
و حرکت ارشادیه کلدیکنی کوردکلرندن ، اعتمادلری خللدار اولمغه ،
بو صورتله دوچار یأس اوله رق میریلدلمغه باشلادقلرینی یازیور ،
« اونلر او یله دوشونویورلر و دوشونمکده حقیدرلرکه ، دیور ،
اونلری هپ بردن برلشیرره چک سوز سکا عائددر ، قرار ویره چک
اولان حجة . هر حالده سنکدر ، سنک امرک نافذدر ، سنک حکمکه
کیمسه اعتراض ایتیه چکدر ، و اونلرک ایسته دکلرینی یاپارسه ک ، سندن
صدور ایدیه چک بر کله ایله بوتون تفرقه بردن غائب اوله رق یرینه
صاعلام بر اتحاد کله چکدر .

بناءً علیه اللهم واونلرک دشمنلرینک قبلرینی قورقو ایله
دولدوره رق اونلری کافرینک شرندن صاقولا ، هر طرفدن اوزرلرینه
چوکن پریشانلق و سفالتی محو و ازاله ایت و اونلری بو طاقت فرسا
حیاتدن ده اوسع و اهوننه یوکسه ات ؛ بویله جه ایمان ، صادقینی
طرفندن مدافعه و حمایه ، و اسلامیت اعلا و تجل ایدلمش اولور . »
و بر فقره معترضه دن صوکره دوام ایدیور :

یا خلیفه قادر ! تحقیقاً شاهک (۲) احوالی متلون ، اخلاقی فاسد ،
ادراکی ناقص ، قلبی متفسخدر . مملکته حکم و مصالح امتی اداره یه قابیلیتی
دکلدر ، بویوک کوچوک بوتون ایشلرک دیرکینی پیغمبره غلناً طعن
و تشنیع ایدن ، قانون الهی یه مواظبت ایتیه سین ، نفوذ روحانی یی بر

(۲) ناصرالدین شاه -

علماء امت ، عساکر اسلامیه ، و سائر افراد مسلمین هب او وجود
معظمک اجزاسی در . بر عضو دوچار اضطراب اولونجه نصل بتون اعضا
اوندن حصه یاب الم اولورسه بر اسلام فردینک دوچار حقارت اولمی
بتون او معظم عالمی حرکتیه کتیرملی در .

اهل ایمانک کافه سی (وجاهدوا) امر جلیلیه مکلف ،
(وتعلموا الرمی) خطابیله موظف ، (کتب علیکم القتال) نص جلیلی
موجبجه داخل دفتر و قرعه سز عسکردر .

شو حالده (فن اعتدی علیکم فاعتدوا علیه بمثل ما اعتدی علیکم)
خطاب حکمت نصابیه موافق مقابله ده بولمق ، حقوق اسلامی محافظه
ایدیه بیلیمک ایچون اسلحه جدیده تدارک ایدره ک انک استعمالی او کر نه لم
وعظیم همتلره هر درلو فدا کارلقلره حاضر اوله لم .

دشمنلر مرکز حرکتلرندن بی خبر قالمق ، انلرک حیللرینی آ کلاماق ،
سیاستلرینه عقل ایردیرمه مک نه دیاتمزه موافقددر ، نه ده انسانلغه ! بلکه
بو ، محض جهالت و عین دنائت و زالتدر .

اونک ایچون کوزلرمنی آچهرق جهانی او کر نه لم ، ال اله
ویره رک اتحاد ایده لم ! . . زیرا زمان زمان ترقی در . یشامق ایسترسه ک
یشامه نک یولنی بیلیم . بویله ذات و مسکنیت ایچنده سور و کلنه چکسه ک
او حالده مزارک آلتی بزه یکدر . عطالت اولومدر . حیات ایسه
حرکت دن عبارتدر . اونک ایچون دائماً حرکت ، دائماً اتحاد ،
دائماً تعالی ! . .

رئیس المجتهدین حسن شیرازی حضرتلرینه یازیلان مکتوب

بسمه دره شماره (۱)

بسم الله الرحمن الرحيم

حقیقنی بیان ایدرم : تحقیقاً بو مکتوب ، زرده موجود بولونور ،
زرده مرعی طو تولورسه طو تولسون ، روح شرع احمدی یه بر
دعوت ، و طرف امتدن بوتون بو قانون مینه ایمان ایدن
و ایجاباته کوره توفیق عمله چالیشان مؤمنین صالحینه - هر
زده طلوع ایتش ، هر زرده کمالی بولمشلرسه - بوتون علمای
اسلامه بر استغانه در ؛ و آرزو ایدرم که بو استغانه اونلرک ایچندن
هپسته بردن اولسون ، واقعا اونلردن یالکیز برینه خطاب اولونمشدر .
یا خلیفه الامة ! یا شمع نور الائمة ! یا عمادة بناء الدین ! یا شرع شریفک بیانیه
مختص صاحب لسان حاجی میرزا سید محمد حسن شیرازی حضرتلری -
الله سنک سایه کده دعوی حق محافظه ، و کفره شیریه نک فسادندن
اسلامی امین بولوندیرسون ! الله سنی بو وکالت معالیه تخصیص
ایتدی که اسلامک حجة الاکبری اوله سین ! . . سنی جمعیت صالحین

(۱) غالباً جمال الدینک ۱۸۹۱ ده ایراندن اخراجندن پک آز صوکره
یازلمش اولان بو مکتوب صورتی تاریخ بیداری ایرانیان ده ده (صفحه ۱۰۸)
وارددر ، امتیازک ردینه قدر ، توتوندن اجتناب ایدله سنی مؤمن صادقلره
امر ایدن فتوی مجتهد ده ا اول ، کانون اولده چیقارلمش ایسه ده امتیاز
علیه اولان شدتلی حرکت جز برانده وقوعه کلشدی . بو مختصر فقط مهم
فتوانک صورتی (بیداری) نک ۱۶ نجی صفحه سنده کورولور .